

鄧州志卷之五

古延蔣光祖振裘氏纂修

建置

城池
郵政

公署

倉廩

坊巷

集鎮

舖遞

王者建都邑設城郭皆有聽治之所倉庫之積所以
保民出政脩豫不虞用意至深遠也其小民皆有寧
宇善者表厥宅里有無愁遷道途無壅鰥寡孤獨廢
疾者生有所養死有所歸法制亦詳且密矣然供億
皆民財也建置皆民力也取之以節用之以時豈非
王道之大端哉我國家休養生息尤重民力一切
興作不擾閭閻守土者蓋兢兢焉今鄧之外城雖稍

頽廢內城固屹然也其餘因時措置釐然備飭要皆
積漸使然未可猝辦矣志建置

城池

鄧州舊有內外二城元末頽墮無存明洪武二年金吾
衛鎮撫知鄧州事孔顯始築內城週四里三十七步
高三丈基廣三丈五尺池深一丈五尺闢四門東曰
迎恩南曰拱陽西曰平成北門以形家言閉不啓內
馬道廣一丈五尺六年始甃以磚建門樓四角樓四
月城小樓四甕城小樓三窩舖三十三女牆一千三
百九十一三門外各置吊橋一座外城自元史天澤

築後久廢至明弘治十二年知州吳大有重築週一十五里七分高一丈廣五尺以軍三民七分修民常東西南三面軍當北一面內馬道廣四尺因舊爲五門曰大東門小東門南門小西門大西門各建樓內畫五關如其門爲六街曰泮宮時雍咸熙嘉靖民夫永康其市靡定處諸關街輪日貿遷五門外各置石橋一座正德六年知州于寬增修外城高三丈基廣二丈五尺重建門樓五月樓五浚池深二丈濶六尺引刁河水灌之嘉靖三十二年知州王道行又增修外城角樓四窩舖二十一垛口一千七十引靈山水

灌池內三十五年知州張僊復修外城五樓萬歷二

十八年知州趙沛又修外城五門樓扁其南門曰南

控荆襄東曰東連吳越西曰西通巴蜀小東門曰六

水環清小西門曰紫金浮翠先是王道行于嘉靖間

造外城種樹千株年久無存至沛復濬河植樹焉崇

禎七年知州孫澤盛修外城窩舖及女牆二重按以前俱

修外城自後無十年流寇張獻忠陷鄧州城郭灰燼

瘡痍之餘知州劉振世見外城不能守乃集遺黎重

修內城而併力焉舉人丁之棟捐磚葺城共八百萬

國朝順治三年闖孽劉二虎攻城二十七日掘地道七處

城中隨機應之計窮遁去知州馬廸吉增修圓城角樓四敵臺三女牆一千三百九十一懸樓三十座砲臺二十四座計用磚四百七十萬灰石稱之十五年八月至九月大雨磚城墮四處知州馮九萬修之凡三十丈五尺康熙三十年磚城內面崩削殆盡有剝及女牆寬不盈咫者知州趙德修之由東而南而西共計三百六十八丈近數十年皆隨缺隨補未嘗動大役故城實完好而修造無紀

公署

鄧州治舊在大城東明洪武二年鎮撫知州事孔顯創

置今城之中宣德五年知州寇義判官劉用顯弘治二年知州吳大有嘉靖三十二年知州王道行同知

薄世祐相繼增修而其制始脩中爲大堂五楹

舊名忠貞

堂又爲親民堂國朝知州趙德始改額曰齊賢

堂東爲幕廳爲架閣庫瓊

盈庫西爲儀仗庫堂前爲露臺甬道有戒石亭左翼

掾曹三曰吏戶禮右翼掾曹三曰兵刑工又東西皂

班房各三間戒石亭前爲儀門東爲州同廨西爲吏

目廨儀門左爲福德祠右爲獄又前左申明亭右旌

善亭傍列廂房以徵賦左廂房後爲圍房以養馬南

爲范相芳躅坊

自申明亭至此坊後俱廢

東爲寅賓館外爲大門

弘治間知州吳大有於大門上創置鳴盛樓

卽譙樓宗

禎十年流寇張獻忠焚燬知州劉振世重修大堂五楹二堂三楹左右六房各九間儀門三間以形家言立照壁不設譙樓

國朝順治十六年知州陳良玉增置思補堂三間修葺六

房又添榜棚二座

後廢

宣化坊一座

後廢

乾隆十九年知

州蔣光祖改照壁爲牌坊置重門顏曰安阜又前大

牌坊一座康熙三十八年知州栢嵩琪建額曰古穰

名郡大堂後爲宅門門內二堂五楹東西廂房各三

間堂東桃花廳三楹西廂房三間後書房三間又東

桃花洞二間洞後廂房二間二堂後三堂五楹今爲
住宅東西廂房各三間堂前轉西書房三間西新建
草房一間前草房四間爲厨室三堂後樓三楹樓西
有房五間其後爲監穀倉大堂西掾曹之上有馬房
門一座門內直北馬神廟三間馬房八間內有倉十
五間卽勸捐社倉也

州同署

州治東康熙三十年州同張萬言捐俸增置儀門三間大堂三間捲棚三間吏書房六間

目署

州治西古漢陰陽學州治大門西明洪武十七年建後廢醫學州

西明洪武十七年建知州趙沛重修後廢

僧正司

在喜道正司在城隍廟

布政分司在州西宣德六年知州寇義建嘉靖丙辰知

州張僊甲子知州潘庭楠萬歷三十九年知州趙沛重修崇禎十年寇燬遂不復立今爲居民寄住

按察分司在布政司西知州寇義建萬歷三十九年知州趙沛增置穿廊及清虛軒二座崇禎十年寇燬順治五年知州張光祁重創中堂三間東西廂房各三間內堂三間東西廂房各三間外建二門三間大門三間改名察院至順治十七年知州陳良玉添修吏書班房二座鼓吹房二座

府館在所治南宣德時寇義建嘉靖年張僊重修以上兩司及府館俱有器用各刻石嵌壁上萬歷三十九

年知州趙沛重修崇禎十年寇燬今居民寄住

倉廩

豐寧倉在州治南明知州寇義建潘庭楠增修趙沛重

修

後廢

積穀坊明知州趙沛創置

後廢

義倉明知州趙沛創建在儀門東南

後廢

預脩倉在州治西北門前明知州寇義建于寬重修張

僊增修大門一座廳一座廩神廟一座井二眼

今存倉

房九十間斛斗井籌俱脩

後廢

萬歷三十八年知州趙

沛添修十二間

後廢

又重修官亭三間扁曰會計亭

國朝順治十三年改爲常平倉康熙二十九年知州趙德
重修廩房三間三十三年知州萬懋增修廩房三間
以上舊志今小南倉正南倉共五間西大廩北大廩各五
間北小廩小北廩共六間總爲常平倉凡二十一間
義社倉亦在北門前東一東二東三東四每倉三間共
十二間雍正七年知州耿輝創建

勸捐社倉十五間在馬號內乾隆二年知州李治國創
建

監穀倉十間在州宅後乾隆四年知州李治國創建
坊巷

城內街巷

南北大街

丁字口

東西大街

學街

府館街

馬道街

城外街巷

南關大街

中名驛
駐嶺

嵩呼坊街

小東關大街

小西關大街

觀巷口

寺巷口

竹杆巷

士子巷

管財巷

嘉靖街

車子巷

董家巷

河街

大東關街

大西關街

舊學街五道

明伏街一道

坊表

靈佑坊

在城隍廟順治十六年陳良玉重建

狀元坊

在州治右爲宋狀元賈黯立

太師坊

在州治左爲明太師李賢立

嵩呼坊

在福勝寺前周瀾建今廢

表官坊八

李賢二李讓二李璋李玠應傑丁如瀾各一

欽賜坊二

一曰達尊坊一曰積善坊爲誥封光祿大夫

進士坊六

爲李賢藍洪王進賢藍瑞黃凝道王聘立

孝廉坊十六

爲羅端王進賢張秉王庭王九疇孔雄胡振遠謀銘謀良冠李讓李義方李槐韓賢

王礪張國儒

丁之棟立

勅封坊二 爲張文輝丁周立

孝子坊 爲曾璽立

貞節坊六 爲羅斌妻李氏楊顯妻馬氏舒五常妻丁氏
藍嘉秀妻丁氏張誦妾章氏彭彬妻王氏立

建坊已載列女茲不重錄

重義坊二 爲丁埏丁垓捐居修學立 以上今俱廢

集鎮

穰東鎮 在州東北六十里有集崇禎間知州劉振世於
穰東鎮鋪題曰涇陽舊館唐賈島有涇陽館詩

見藝文

張村鎮 在州西北六十里有集

漁灘鎮 在州東四十里有集

天家店 在州東二十里

圓庄店 在州東四十里有集

七里店

在邊河北岸范文正公詩有七里河邊歸帶月百花洲上嘯生風之句

白牛店

在州東北三十里有集

柿庄店

在州東北五十里

高粱店

卽夏家集在州北三十里有集

趙河店

在州東北五十里有集

軒店

在州北二十里有集

屈家店

在州西北二十里

曲河店

卽文曲集在州西北三十里有集

十里林店

在州西北八里有集

羅庄店

在州西北八里有集

茶店

在州西二十里

半劄店

在州西四十里有集

馬庄店

在州西五十里

九重堰店

在州西六十里有集

王良店

在州西南三十里有集

刁河店

卽順流河在州西南十里有集

小店

在州西南四十里

林家店

在州西南五十里有集

長樂林店

在州西南六十里李文達公故里公有長樂林表

構林關店

在州南四十里有集

胡義店

在州南七十里

古村店

在州南六十里有集

桐栢店

卽都司衙在州南五十里有集

厚橋店

在州南七十里有集

燕家店

在州東南二十里

桑家店

在州東南三十里有集

高家店

在州東南四十里有集

柴庄店

在州南七十里

大孫庄

在州東南五十里有集

小孫庄

在州東南四十里

程家集

在州北三十里

望城岡

在州西五十里

二郎廟

在州南四十里

白龍廟

在州西北四十里

厚坡集

在州西六十里有集

段庄集

在州南三十里

侯家集

在州西五十里

韋家集

在州西九
十里有集

孔庄集

在州西北
五十里

石欄井

在州西北
三十里

南古縣

在州西北
八十里

泰山廟

在州南
九十里

井亭岡

在州東北
二十里

胡鐵集

在州西南三
十里有集

夏家集

在州東北二
十里有集

魏家集

在州南八
十里有集

麟鳳社

在州東南五
十里有集

韓百戶寨

在州東
又河口

閻家寨

卽興隆集州西
北五十里有集

油李寨

在清
涼寺

順化營小花馬寨

州東北
三十里

張家店

州西八十五里
以下俱新集

劉家集

在州南
七十里

椰子堰

在州
西北

玉皇閣

在州西南
八十里

彭家橋

在州正西
六十里

重興集

卽梁家庄州
西北五十里